

韓非子 三

13

館書圖京東			
一	三	七	諸子
八	冊	架	函類門

漢書門

韓非子

不許帶

內閣文庫			
番號	漢	6034	
冊數	8	(1)	
函號	300	10	



韓非子書序

淺草文庫

余讀韓非子書蓋喟然而嘆曰世道之趨於權譎也君臣之間相御以智而相傾奪以捍闔抵巇之說也其至秦而極乎先王之道既熄諸侯各競於詐力而列國之士各騁其機畧辯數以務尊安其國而榮顯

其身當春秋之季所號稱良大夫者如晏
嬰叔向公孫僑之徒其馳詞執禮往來相
厲以仁義而相訕飭以忠儉信惠是猶先
王之遺也至戰國而儀秦之徒始以其縱
橫之說勝言從親之固則諱其善敗之端
語衡合之利則匿其恐懼之迹雖其揣摩

馳騫務出於奇詭而要之陳形勢之便利
規情事之變合天下猶各以其說提衡而
立故當時之君得士者昌而士之設智能
批患難者亦使世主蒙其益而顯功名於
天下蓋稍蠶食而及於始皇之身關東諸
國既皆削弱無可倚以抗秦而士之爭趨

秦者非得秦權則無以震懼諸侯而快其志非訐激其詞亦無以當主意而盡闕遊士之口故干秦之說愈相軋而愈不勝卒足以亡其身余於非子有深慨焉夫非子固嘗与李斯師事荀卿斯自視以為不如非矣及斯已柄秦盡用其所學非固以量

斯之在吾術中而他所獨制恣睢上以塞聰揜明而下以拂世摩俗非之智又足以先斯而逆其所必至故斯方以一法制明主威而非則曰當途之臣擅勢而環其私斯方以過黨与絕異趣而非則曰獨任之過將乘賢而劫其君當人臣憂死之不暇

而虞其有田常子罕之厄且以大臣之一
詞同軌於近習將使之行不法而化其主
是皆斯之所醞釀鬱積以基亡秦之禍而
非乃以疎遠一旦斥而言之至乎犯斯之
所甚忌而死不旋踵也昔者范雎羈旅入
秦一言而合繼踵卿相夫昭王之明不及

秦皇李斯之專不及魏冉非又始皇之願
得與同遊者其才出雎遠甚而卒不免僂
辱為天下笑者雖當秦之益親猶數年而
始得盡發太后穰侯之私故其主信之不
疑而讒邪不得以投其間非徒知振暴其
短可以傾斯說而奪之柄而不知斯以干

寵忌前之心挾狠戾無親之主乃欲自奮
於說而投其必聽之會不亦難哉太史公
蓋悲非之為說難而卒不能以自免余以
為非之持說者甚工而其所以用術者則
甚悖是其所以死也使非而幸緩須臾秦
皇方且回慮易聽當有深計而不疑交爭

而不罪者何以成沙丘之禍而鑿一中
非之所料如此哉非子書大抵薄仁義厲
刑禁盡斥堯舜禹湯孔子而兼取申商慘
刻之說其言恢詭叛道無足多取然其意
則悲廉直不容於邪枉一切欲反淳淫之
蠹而敷之功罪之當要必有是采者嗟乎

三代而後申韓之說常勝世之言治者操其術而恒諱其臨余以為彼其盡絀聖賢之旨而獨能以其說擊排詆訾歷千百年而不廢蓋必有所以為韓非子者在矣惡可忽哉惡可忽哉此書舊亡和玉姦劫說林凡三篇他所逸者通五十餘章今悉補

次無闕

明萬曆十年壬午春三月吳郡趙用賢撰

此書舊亡和玉姦劫說林凡三篇其所逸者通五十餘章今悉補

韓子凡例

一漢志隋唐志皆云韓非子二十卷五十五篇而王伯厚獨言今本五十六篇元何休至元中所進韓子止五十三篇謂姦劫亡一篇說林亡下篇內儲說下篇六微內似類已下亡數章則世之不見全本亦以久矣今按古本說林下篇之首尚有伯樂教二人相踉馬等凡十六條近本俱自上篇田伯鼎好士章逕接下篇蟲有虺章所以遂謂脫此下篇其實未嘗亡也又據近刻

六微篇後共闕二十八條亦按古本校定共爲五十五篇獨伯厚本無從而考然此書遂庶幾于大全矣覽者幸無妄意于牽合割裂也

一按隋唐志云韓子註不詳名氏元何休本獨謂舊有李瓚註鄙陋無取盡爲削去不知休又何據而指爲李瓚也今所載註語果涉瑣猥無識第因宋本具列不敢輕加刪削要以存舊章而已

一按宋本和氏第十三姦劫第十四篇目既具文

亦無闕時本乃自和雖獻璞而未美未爲玉之害也下逕接我以清廉事上句旣脫和氏末章又并姦劫篇目而失之讀者至此往往有殘缺之歎近本乃不加詳考至并姦劫篇目亦行削去使古人成書幾爲臆說所廢今所校定一准宋本覽者究心當自得其完闕之異

一是書訛缺旣久歷考近本無慮數十皆出一軌至閣道藏中所載乃知近本又承此而訛也獨宋板大篇完整毋闕而句字之間參錯復多今

依諸本更定其間或有舛謬不可解者尚餘十
一不敢強爲之說以俟夫博雅者重加采輯庶
幾此刻爲之先驅耳

韓子凡例終

韓子總評

太史公曰韓子引繩墨切事情明是非其極慘礪
少恩皆原於道德之意

漢志法家韓非子五十五篇隋唐志二十卷目一
卷註不詳名氏

劉勰文心雕龍曰慎到析密理之巧韓非著博喻
之富

蜀志先主敕曰申韓之書益人智意可觀誦之
晁氏曰韓非喜刑名法家之學作孤憤五蠹說林

說難十餘萬言書凡五十五篇其極刻覈無誠
悃謂夫婦父子舉不足相信而有解老喻老篇
故太史公以爲大要皆原於道德之意夫老子
之言高矣世皆怪其流裔何至於是殊不知老
子之書有將欲歛之必固張之及欲上人者必
以言下之欲先人者必以身後之等言是出於
詐此所以一傳而爲非歟

高氏子略曰韓子書往往尚法以神其用薄仁義
厲刑名背詩書課名實心術辭旨皆商鞅李斯

治秦之法而非又欲凌跨之此始皇之所投合
而李斯之所忌者非迄坐是爲斯所殺而秦卽
以亡固不待始皇之用其言也說難一篇殊爲
切於事情者惟其切切於求售是以先爲之說
而後說於人亦庶幾萬一焉耳太史公以其說
之難也固嘗悲之抑亦有所感慨而發者歟嗚
呼士不遇視時以趨使其盡遇固無足道而況
說難孤憤之作有如非之不遇者乎楊雄氏曰
秦之士賤而拘信哉

黃氏日抄曰韓非盡斥堯舜湯武孔子而兼取申
不害商鞅法術之說加深刻焉至謂妻子亦害
已者而不可信蓋自謂獨智足舞一世矣然以
疎遠一旦說人之國乃欲其主首去賢近將誰
汝容耶迭歿秦獄愚莫與比然觀其書猶有足
警後世之惑者方是時先王道熄處士橫議往
往故爲無稽寓言以相戲劇彼其爲是言者亦
未嘗自謂真有是事也後世襲取其餘而神之
流俗因信以爲真而異端之說遂至禍天下奈

何韓非之辨具在而不察耶非之言曰白馬非
馬齊稷下之辯者屈焉及乘白馬之賦而籍之
不見其非白也蓋虛辭空辯可以勝一國考實
按形不能漫一人今人於異端有嘗核其實者
否耶非之言曰宋人有欲爲燕王削棘刺之端
爲猿母者必三月齊然後能見知王之必不能
久齊而給之爾王乃養之三乘冶工言王曰果
然則其所以削者必小今臣冶人也無以爲削
此不然之物也因囚而問之果妄乃殺之今人

韓非子
於異端果嘗有訊其妄者否耶鄭人爭年者謂
我與黃帝之兄同年非能笑之今異端自謂出
於無始之前其為黃帝之兄甚矣而人莫不信
趙主父施鈎梯而緣播吾刻人蹟其上廣三尺
長五尺而勒之曰主父常遊此非能笑之今異
端往往鑿蹟崖石之巔其為播吾之蹟愈悖矣
而人反以為神非之辯誣若此者衆姑取節焉
以告惑者

韓子總評終

韓非子目錄

第一卷

初見秦第一

存韓第二

難言第三

愛臣第四

主道第五

第二卷

有度第六

二柄第七

揚權第八

八姦第九

第三卷

十過第十

第四卷

孤憤第十一

說難第十二

和氏第十三

姦劫殺臣第十四

第五卷

亡徵第十五

三守第十六

備內第十七

南面第十八

飾邪第十九

第六卷

解老第二十

第七卷

喻老第二十一

說林上第二十二

第八卷

說林下第二十三

觀行第二十四

安危第二十五

守道第二十六

用人第二十七

功名第二十八

大體第二十九

第九卷

内儲說上七術第三十

第十卷

内儲說下六微第三十一

第十一卷

外儲說左上第三十二

第十二卷

外儲說左下第三十三

第十三卷

外儲說右上第三十四

第十四卷

外儲說右下第三十五

第十五卷

難一第三十六

難二第三十七

第十六卷

難三第三十八

難四第三十九

第十七卷

難勢第四十

問辯第四十一

問田第四十二

定法第四十三

說疑第四十四

詭使第四十五

第十八卷

六反第四十六

八說第四十七

八經第四十八

第十九卷

五蠹第四十九

顯學第五十

第二十卷

忠孝第五十一

人主第五十二

飾令第五十三

心度第五十四

制分第五十五

此文跌宕類德
秦法章法句
法起結照
獨遺紀律

此篇與國策
同是秦文之
極佳者

韓非子卷第一

初見秦第一

存韓第二

難言第三

愛臣第四

主道第五

初見秦第一

臣聞不知而言不智。知而不言不忠。為人臣不忠當死。言而不當亦當死。雖然，臣願悉言所聞。唯大王裁其罪。臣聞天下陰燕陽魏。燕北故曰陰，魏南故曰陽。連齊固齊，收韓而成從，將西面以與秦強為難。臣竊

韓非子

卷一

一

儲公秦五十五

之世有三亡而天下得之。知三十六者其此之
臣聞之曰。以亂攻治者亡。以邪攻正者亡。今天
之府庫不盈。困倉空虛。悉其士民。張軍數十百萬。
其頓首戴羽。為將軍。斷死於前。不至千人。皆以言
死。白刃在前。斧鑕在後。而却走不能死也。非其士
民不能死也。上不能故也。言賞則不與。言罰則不
行。賞罰不信。故士民不死也。今秦出號令而行賞
罰。有功無功相事也。出其父母懷衽之中。生未嘗
見寇。耳聞戰。頓足徒襦。犯白刃。蹈鑪炭。斷死於前。

此行二十字
與本無

三首作也

者皆是也。夫斷死與斷生者不同。而民為之者。是
賢奮死也。夫一人奮死。可以對十。十可以對百。百
可以對千。千可以對萬。萬可以對天下矣。今秦地
折長補短。方數千里。名師數十百萬。秦之號令。賞
罰。地形利害。天下莫若也。以此與天下。天下不足
兼而有也。是故秦戰未嘗不尅。攻未嘗不取。所當
未嘗不破。開地數千里。此其大功也。然而兵甲頓。
士民病。蓄積索。田疇荒。困倉虛。四鄰諸侯不服。霸
王之名不成。此無異故。其謀臣皆不盡其忠也。臣

韓非子

卷一

一

先總論謀臣
之於策後乃
細言

使一本作伏
是

為一本作謂
不本作無
是

敢言之往者齊南破荆東破宋西服秦北破燕中
使韓魏土地廣而兵強戰尅攻取詔令天下齊之
清濟濁河足以為限長城巨防足以為塞齊五戰
之國也謂五破國也一戰不尅而不齊為樂毅破齊於濟西由此
觀之夫戰者萬乘之存亾也且聞之曰削迹無遺
根無與禍鄰禍乃不存言禍敗之迹削去本根則無禍敗言秦宜以齊為戒
秦與荆人戰大破荆襲郢取洞庭五湖江南荆王
君臣亾走東服於陳當此時也隨荆以兵則荆可
舉荆可舉則民足貪也地足利也東以弱齊燕中

詔國策作詐

以凌三晉然則是一舉而霸王之名可成也四鄰
諸侯可朝也而謀臣不為引軍而退復與荆人為
和今荆人得收亡國聚散民立社稷主置宗廟令
率天下西面以與秦為難此固以失霸王之道一
矣天下又比周而軍華下夫王以詔破之兵至梁
郭下圍梁數旬則梁可拔拔梁則魏可舉舉魏則
荆趙之意絕荆趙之意絕則趙危趙危而荆狐疑
東以弱齊燕中以凌三晉然則是一舉而霸王之
名可成也四鄰諸侯可朝也而謀臣不為引軍而

退復與魏氏為和。令魏氏反收亡國。聚散民立社稷。主置宗廟。今此固以失霸王之道二矣。前者穰侯之治秦也。用一國之兵。而欲以成兩國之功。穰侯營私邑謀秦故。非。云兩國。是故兵終身暴露於外。士民疲病於內。霸王之名不成。此固以失霸王之道三矣。趙氏中央之國也。雜民所居也。趙居邯鄲。燕之南。齊之西。魏之北。韓之東。故曰中央兼四國。人故曰雜。其民輕而難用也。號令不治。賞罰不信。地形不便。下不能盡其民力。彼固亡國之形也。而不憂民萌。悉其士民軍於長平之下。以爭韓

下當作

上黨。大王以詔破之。拔武安。當是時也。趙氏上黨不相親也。賢賤不相信也。然則邯鄲不守。拔邯鄲。笕山東河間。引軍而去。西攻修武。踰華絳。上黨代四十六縣。上黨七十縣。不用一領甲。不苦一士民。此皆秦有也。以代上黨。不戰而畢為秦矣。東陽河外不戰而畢反為齊矣。中山呼沱以北。不戰而畢為燕矣。然則是趙舉。趙舉則韓亡。韓亡則荆魏不能獨立。荆魏不能獨立。則是一舉而壞韓。蠹魏。拔荆東。以弱齊。強燕。決白馬之口。以沃魏氏。是一舉

強當為

韓非子

卷一

四

德善作

運龍

而三晉亡從者敗也。大王垂拱以須之。天下徧隨而服矣。霸王之名可成。而謀臣不為引軍而退復。與趙氏為和。夫以大王之明。秦兵之強。奔霸王之業。地曾不可得。乃取欺於亡國。是謀臣之拙也。且夫趙當亡而不亡。秦當霸而不霸。天下固以量秦之謀。臣一矣。乃復悉士卒以攻邯鄲。不能拔也。奔甲負弩。戰竦而却。天下固已量秦力二矣。軍乃引而退。并於李下。大王又并軍而至。與戰不能尅之也。又不能反。運罷而去。天下固已量秦力三矣。內之

能善作

總結篇

量吾謀臣外者極五。兵力由是觀之。臣以為天下之從。幾不能矣。言諸侯知秦兵頓民疲。則從益堅固。曰不難矣。內者吾甲兵頓。士民病。蓄積空。田疇荒。困倉虛。外者天下皆比。意甚固。願大王有以慮之也。且臣聞之曰。戰戰栗栗。日慎一日。苟慎其道。天下可有。何以知其然也。昔者紂為天子。將率天下甲兵百萬。左飲於淇。溪。右飲於洹。谿。淇水竭。而洹水不流。以與周武王為難。武王將素甲三千。戰一夜而破。紂之國。禽其身。據其地。而有其民。天下莫傷。知伯率三國之衆。

韓非子

卷之二

五

以攻趙襄主於晉陽。決水而灌之。三月城且拔矣。襄主鑽龜筮占兆以視利害。何國可降。乃使其臣張孟談。於是乃潛行而出。反知伯之約。得兩國之衆。以攻知伯。禽其身。以復襄主之初。今秦地折長補短。方數千里。名師數十百萬。秦國之號。令賞罰地形利害。天下莫如也。此與天下。天下可兼有也。臣昧死願望見大王。言所以破天下之從。舉趙亡韓。臣荆魏親齊燕。以成霸王之名。朝四鄰諸侯之道。大王誠聽其說。一舉而天下之從不破。趙不舉。

韓不亡。荆魏不臣。齊燕不親。霸王之名不成。四鄰諸侯不朝。大王斬臣以徇國。以爲王謀。不忠者也。
存韓第二

韓事秦三十餘年。出則爲扞蔽。入則爲薦薦。出貢若薦薦居人下秦特出銳師。取韓地而隨之。怨懸於天下。

功歸於強秦。且夫韓入貢職。與郡縣無異也。今日臣竊聞賢臣之計。舉兵將伐韓。夫趙氏聚士卒。養從徒。欲贅天下之兵。贅綴連也明秦不弱。則諸侯必滅宗廟。欲西面行其意。非一日之計也。今釋趙之患。

而攘內臣之韓則天下明趙氏之計矣韓為內臣秦猶滅之

則天下從趙攻秦計為得矣夫韓小國也而以應天下四擊主

辱臣苦上下相與同憂久矣修守備戒強敵有蓄

積築城池以守固今伐韓未可一年而滅拔一城

而退則權輕於天下天下摧我兵矣韓叛則魏應

之趙據齊以為原若山原然如此則以韓魏資趙假齊

以固其從而以與爭強趙之福而秦之禍也夫進

而擊趙不能取退而攻韓弗能拔則陷銳之卒勲

於野獲負任之旅罷於內攻勞餉則合羣苦弱以

勲苦作勤

夫計自為平
計也唯三
見秦王而借
慮左右之竊
聽矣非事
以省秦主非
智不及矣矣

敵而共二萬乘非所以亡趙之心也均如賢人之

計均同也謂同則秦必為天下兵質矣既進退不

者為質陛下雖以金石相弊弊盡也盡則兼天下之

日未也今賤臣之進愚計使人使荆重幣用事之

臣明趙之所以欺秦者與魏質以安其心從韓而

伐趙趙雖與齊為一不足患也二國事畢齊則韓

可以移書定也是我一舉二國有亡形則荆魏又

必自服矣故曰兵者凶器也不可審用也以秦

與趙敵衡加以齊今又背韓而未有以堅荆魏之

伐者何哉

此是當時
載之文故
叙李斯語

心夫一戰而不勝則禍構矣計者所以定事也不可不察也韓秦強弱在今年耳且趙與諸侯陰謀久矣夫一動而弱於諸侯危事也為計而使諸侯有意伐之心至殆也見二疎非所以強於諸侯也臣竊願陛下之幸熟圖之攻伐而使從者聞焉不可悔也詔以韓客之所上書書言韓之未可舉下臣斯甚以為不然秦之有韓若人之有心腹之病也虛處則恢然恢妨也心腹虛也而病為妨喻秦虛心待韓韓終為妨恢音艾若居濕地者而不去以極走則發矣謂疾得冷卒然而走必發矣喻

秦雖加恩於韓有急韓之不臣之心必見矣夫韓雖臣於秦未嘗不為秦病今若有卒報之事韓不可信也秦與趙為難荆蘇使齊未知何如以臣觀之則齊趙之交未必以荆蘇絕也若不絕是悉趙而應二萬乘也夫韓不服秦之義而服於強也今專於齊趙則韓必為腹心之病而發矣韓與荆有謀諸侯應之則秦必復見峭塞之患非之來也未必不以其能存韓也為重於韓也辯說屬辭飾非詐謀以釣利於秦而以韓利闕陛下闕陛下之意因際而入說以求韓利夫秦韓之交親

則非重矣。見重於二國此自便之計也。臣視非之言。文其淫說。靡辯才甚。臣恐陛下淫非之辯。而聽其盜心。因不詳察事情。今以臣愚議。秦發兵而未名所伐。則韓之用事者。以事秦為計矣。疑伐已也臣斯請往見韓王。使來入見大王。見因內其身而勿遣。稍召其社稷之臣。以與韓人為市。則韓可深割也。因令象武發東郡之卒。闞兵於境上。而未名所之。則齊人懼而從蘇之計。是我兵未出而勁韓以威擒。強齊以義從矣。聞於諸侯也。趙氏破膽。荆人狐疑。必

有忠計。荆人不動。魏不足患也。則諸侯可蠶食而盡。趙氏可得與敵矣。願陛下幸察愚臣之計。無忽。秦遂遣斯使韓也。李斯往詔韓王。未得見。因上書曰。昔秦韓戮力一意。以不相侵。天下莫敢犯。如此者數世矣。前時五諸侯嘗相與共伐韓。秦發兵以救之。韓居中國。地不能滿千里。而所以得與諸侯班位於天下。君臣相保者。以世世相教。事秦之力也。先時五諸侯共伐秦。韓反與諸侯先為鴈行。以嚮秦軍。以闞下矣。諸侯兵困力極。無奈何。諸侯兵

罷杜倉相秦起兵發將以報天下之怨而先攻荆
荆令尹患之曰夫韓以秦爲不義而與秦兄弟共
苦天下已又背秦先爲鴈行以攻關韓則居中國
展轉不可知天下共割韓上地十城以謝秦解其
兵夫韓嘗一背秦而國迫地侵兵弱至今所以然
者聽姦人之浮說不權事實故雖殺戮姦臣不能
使韓復強今趙欲聚兵士卒以秦爲事使人來借
道言欲伐秦其勢必先韓而後秦且臣聞之脣亡
則齒寒夫秦韓不得無同憂其形可見魏欲發兵

以攻韓秦使人將使者於韓今秦王使臣斯來而
不得見恐左右襲曩姦臣之計使韓復有亡地之
患臣斯不得見請歸報秦韓之交必絕矣斯之來
使以奉秦王之歡心願效便計豈陛下所以逆賤
臣者耶臣斯願得一見前進道愚計退就菹戮願
陛下有意焉今殺臣於韓則大王不足以強若不
聽臣之計則禍必構矣秦發兵不留行而韓之社
稷憂矣臣斯暴身於韓之市則雖欲察賤臣愚忠
之計不可得已邊鄙殘國固守鼓鐸之聲於耳而

鐸一作
鼓

乃用臣斯之計晚矣。且夫韓之兵於天下可知也。今又背強秦，夫弃城而敗軍，則反掖之寇。反掖者謂麾下必襲城矣。城盡則聚散，聚散則無軍矣。使反以禽君掖也城固守，則秦必興兵而圍王。一都道不通，則難必謀。其勢不救，左右計之者不用。願陛下熟圖之。若臣斯之所言，有不應事實者，願大王幸使得畢辭於前，乃就吏誅，不晚也。秦王飲食不甘，遊觀不樂，意專在圖趙。使臣斯來言，願得身見，因急與陛下有計也。今使臣不通，則韓之信未可知也。夫秦必

釋趙之患而移兵於韓，願陛下幸復察圖之，而賜臣報決。

難言第三

臣非非難言也。所以難言者，言順比滑澤，洋洋纒纒然，則見以為華而不實。言順於慎比於班洋祇恭厚，鯁固慎完，則見以為拙而不倫。多言繁稱，連類比物，則見以為虛而無用。總微說約，徑省而不飾，則見以為劇而不辯。激意親近，探知人情，則見以為譖而不讓。閔大廣博，妙遠不測，則見以為

急一本作深探一本作

音聲言

夸而無用。纖計小談。以具數言。則見以為陋。言而近世。辭不悖逆。則見以為貪生而諛上。言而遠俗。詭躁人間。則見以為誕。捷敏辯給。繁於文采。則見以為史。殊釋文學。以質信言。則見以為鄙。時稱書道法往古。則見以為誦。誦說舊事此臣非之所以言而重患也。故度量雖正。未必聽也。義理雖全。未必用也。大王若以此不信。則小者以為毀訾。誹謗。大者患禍災。害殃亡及其身。故子胥善謀而吳戮之。仲尼善說而匡圍之。管矣吾實賢而魯囚之。故

信一本作情

以智愚并轉及文王絕无痕迹

此三大夫豈不賢哉。而三君不明也。上古有湯至聖也。伊尹至智也。夫至智說至聖。然且七十說而不受。身執鼎俎為庖宰。昵近習親而湯乃僅知其賢而用之。故曰以至智說至聖。未必至而見受。伊尹說湯是也。以智說愚。必不聽。文王說紂是也。故文王說紂而紂囚之。翼侯多。鬼侯腊。比干剖心。梅伯醢。夷吾束縛。而曹羈奔陳。伯里子道乞。傳說轉鬻。轉次而備故曰鬻孫子臆脚於魏。吳起收泣於岸門。痛西河之為秦。卒枝解於楚。公叔座言國器反為悖。

韋正子

天卷一

七

公孫鞅奔秦關龍逢斬萇弘分脰磔裂也尹子宰殺氏反於棘司馬子期歿而浮於江田明辜射非罪為辜射而殺之宓子賤西門豹不鬪而歿人手董安于歿而陳於市宰予不免於田常范睢折脅於魏此十數人者皆世之仁賢忠良有道術之士也不幸而遇悖亂闇惑之主而歿然則雖賢聖不能逃歿亡避戮辱者何也則愚者難說也故君子難言也且至言忤於耳而倒於心非賢聖莫能聽願大至熟察之也

愛臣第四

精奇

貴一本作
位一本作
命

管一本
作後

愛臣太親必危其身威權上逼人臣太賢必易主位主妾無等必危嫡子主謂室主兄弟不服必危社稷君之兄弟不相從服臣聞千乘之君無備必有百乘之臣在其側以徙其民而傾其國萬乘之君無備必有千乘之家在其側以徙其威而傾其國是以姦臣蕃息主道衰亡是故諸侯之博大天子之害也羣臣之太富君主之敗也將相之管主而隆國家此君人者所外也君當疎外斥遠之萬物莫如身之至賢也位之至尊也主威之重主勢之隆也此四美者不求

韓非子

卷一

七

諸外不請於人議之而得之矣故曰人主不能用其富則終於外也既不能用富臣則竊之此君天者之所識也昔者紂之亡周之卑皆從諸侯之博大也殷諸侯文也故上比之殷周中比之燕宋莫不從此術也是故明君之蓄其臣也盡之以法臣雖有賢賤同以法也質之以備謂薄其賞賜也臣貧則易制故不赦死不宥刑赦宥刑是謂威淫淫散也社稷將危國家偏威君威散臣威成故曰偏威

王周諸侯

秦襄王

趙魏

韓也

陳恒弒

皆以

用虛字眼作骨鈔

是故大臣之祿雖大不得藉威城市市眾所聚恐其乘眾而生也黨與雖眾不得臣士卒故人臣處國無私朝謂自私自居軍無私交其府庫不得私貸於家不欲令其樹福也此明君之所以禁其邪是故不得四從四鄰之交不載奇兵非傳非遽載奇兵革罪或不赦此明君之所以備不虞者也

主道第五

道者萬物之始物從道生是非之紀也是非因道彰故曰紀是以明君守始以知萬物之源得其始其源可知也治紀以

卷之二

卷之二

百

知善敗之端。得其紀其端可知也。故虛靜以待令。令名自命也。令事自定也。虛則知實之情。靜則知動者正。有言者自為名。有事者自為形。形名參同。君乃無事焉。歸之其情。故曰君無見其所欲。君見其所欲。臣自將雕琢。臣因欲雕琢以稱之。君無見其意。君見其意。臣將自表異。君見其意。臣因其意以稱之。故曰去好去惡。臣乃見素去舊去智。臣乃自備。好惡不形。臣無所效。則戒而自備。故有智而不以慮。使萬物知其處。有行而不以賢。觀臣下之所因。有勇而不以怒。使羣臣盡其武。是故去智而

一本上字

有明。去君智則臣智自明也。去賢而有功。去君賢則臣事有功。去勇而有強。去君勇則臣武自強。羣臣守職。百官有常。因能而使之。是謂習常。故曰寂乎其無位。而處謬乎莫得其所。明君無為於上。羣臣竦懼乎下。明君之道。使智者盡其慮。而君因以斷事。故君不窮於智。用臣智。故智不窮。賢者敕其材。君因而任之。故君不窮於能。有功則君有其賢。有過則臣任其罪。故君子不窮於名。是故不賢而為賢者師。君雖不賢。為賢臣之師。不智而為上智者正。為臣之正。臣有其勞。君有其成功。君取臣勞。以為己功。此之

韓非子

六卷一

法

謂賢主之經也。經常法也

道在不可見。君道必使臣用用在不可知。虛靜無事。

以聞見疵見而不見聞而不聞知而不知知其言

以往勿變勿更以參合閱焉官有一人勿令通言

則萬物皆盡。各令守職勿使相通情既相精則自盡矣函掩其跡匿其

端下不能原去其智絕其能下不能意保吾所以

往而稽同之謹執其柄而固握之絕其能破其意

毋使人欲之。執柄固則人不謹其閉不固其門虎

乃將存。權柄不固則篡國不慎其事不掩其情賊

皆當作情
一本掩字

能一本作
望

拭一本作
擅一本作
逼

位一本作
明

乃將生弑其主代其所人莫不與故謂之虎處其

主之側為姦臣聞其主之忒故謂之賊散其黨收

其餘閉其門奪其輔國乃無虎犬不可量深不可

測同合刑名審驗法式擅為者誅國乃無賊是故

人主有五壅臣閉其主曰壅臣制財利曰壅臣擅

行令曰壅臣得行義曰壅臣得樹人曰壅臣閉其

主則主失位臣制財利則主失德臣擅行令則主

失制臣得行義則主失名臣得樹人則主失黨此

人主之所以獨擅也非人臣之所以得操也人主

韓非子

卷一

七

上虛說此
方實說

不陳問
之本有得
之字是

之道靜退以為寶不自操事而知拙與巧不自計
慮而知福與咎是以不言而善應不約而善增言
已應則執其契事已增則操其符符契之所合賞
罰之所生也故羣臣陳其言君以其言授其事以
事責其功功當其事事當其言則賞功不當其事
事不當其言則誅明君之道臣不陳言而不當是
故明君之行賞也暖乎如時雨百姓利其澤其行
罰也畏乎如雷霆神聖不能解也故明君無偷賞
無赦罰賞偷則功臣墮其業赦罰則姦臣易為非

是故誠有功則雖疏賤必賞誠有過則雖近愛必
誅近愛必誅則疏賤者不怠而近愛者不驕也

Vertical columns of text on the right page, including a large rectangular frame with faint characters inside.

韓非子卷第二

有度第六

二柄第七

揚權第八

八姦第九

有度第六

國無常強。無常弱。奉法者強。則國強。強為不曲。法從私。奉

法者弱。則國弱。荆莊王并國二十六。開地三千里。

莊王之氓社稷也。而荆以亡。荆全之時與荆亡之時。民及社稷未改易。

而全亡。遂殊者。則由齊桓公并國三十。啓地三千。

里。桓公之氓社稷也。而齊以亡。燕襄王以河為境。

不立眼... 畫分界... 命詞... 涯而法... 然且備... 奉文... 西漢... 矣... 句法... 甚

以薊為國。襲涿方城。方城涿之邑也。殘齊平中山。中山有國名。燕者重。無燕者輕。謂鄰國得燕為黨者。則重反是者則輕也。襄王之氓社稷也。而燕以亡。魏安釐王攻趙救燕。取地河東。河東故南燕國所在。時魏救燕燕人得之。故以河東故國與魏也。攻盡陶魏之地。陶也。加兵於齊。私平陸之都。言魏加兵於齊。平陸也。為私都也。攻韓拔管。管故管叔所都。勝於淇下。睢陽之事。荆軍老而走。魏與楚相持於睢陽。而楚師遁師久而老。蔡召陵之事。荆軍破。兵四布於天下。兵也。威行於冠帶之國。安釐死。而魏以亡。故有荆莊齊桓公。則荆齊可以霸。有燕襄魏安

以下說國之亂弱由不審法度而臣下用非其人

釐則燕魏可以強。今皆亡國者。其羣臣官吏皆務所以亂而不務所以治也。其國亂弱矣。又皆釋國法而私其外。外謂臣之事也。則是負薪而救火也。亂弱甚矣。故當今之時。能去私曲。就公法者。民安而國治。能去私行。行公法者。則兵強而敵弱。故審得失。有法度之制者。加以羣臣之上。則主不可欺。以詐偽。謂得守法度之臣受之以政位。加羣臣之上。故不可欺。以詐偽。審得失。有權衡之稱者。以聽遠事。則主不可欺。以輕重。稱輕重也。臣既妙於輕重。使之聽遠。故不可欺。以輕重也。今若以譽進能。則臣

離上而下比周能由譽進所以比周於下求其虛譽若以黨舉官則民務交而不求用於法官由黨舉所以務交求其親援故官之失能者其國亂以譽為賞以毀為罰也則好賞惡罰之人釋公行行私術比周以相為也忘主外交以進其與與謂黨也則其下所以為上者薄矣交眾與多外內朋黨雖有大過其蔽多矣朋黨既多遮相無從而故忠臣危知也於非罪邪臣朋黨則忠臣橫以非罪而姦邪之臣安見陷邪臣輒以無功而獲利也利於無功忠臣之所以危然而不以其罪則良臣伏矣臣傷其類故姦邪之

以下僞言人
臣狗私之弊

文法變幻如神

臣安利不以功則姦臣進矣同氣相求故此亡之本也若是則羣臣廢法而行私重輕公法矣私重謂朋黨私相數至能人之門此其所以不一至主之廷重也百慮私家之便不一圖上之國屬數雖多非所以尊君也君之徒屬之數雖多皆行私重故非尊君自官雖具非所以任國也百官雖備皆慮私家之便故非任國任謂當其事也然則主有人主之名而實託於羣臣之家也威權不故臣曰亡國之廷無人焉無憂國之人也廷無人者非朝廷之衰也家務相益不務厚國大臣務相尊而不務尊君

韓非子

卷二

三

以下言人君
當審法以擇

小臣奉祿養交。不以官為事。此其所以然者。由主
之不上斷於法。而信下為之也。故明主使法擇人。
不自舉也。使法量功。不自度也。擇人量功之法。布
在方冊。謂成國之
制。能者不可弊。敗者不可飾。譽者不能進。非者弗
能退。以法量功。故能不可弊。敗不可飾也。則君臣
以法飾人。故譽不能進。非不能退也。則君臣
之間。明辯而易治。明辯謂善
惡不相掩。故主讎法。則可也。謂
按定賢者之為人臣。北面委質。無有二心。朝廷不
敢辭賤。軍旅不敢辭難。朝廷辭賤。則下有缺上之
心。軍旅辭難。則士有偷存
之順上之為從。主之法。虚心以待。令而無是非也。

言官得
一人自能盡
事于上也

言官得
一人自能盡
事于上也

故有口不以私言。為君
言也有目不以私視。為君
視也而上
盡制之。為人臣者。譬之若手。上以修頭。下以修足。
清暖寒熱。不得不救入。寒則救之。以暖。熱則救之。
以清。凡此皆用手入。故曰
不得不救入也。鎔錙傳體。不敢弗搏。利刃近體
手必搏之。無私賢哲
之臣。無私事能之士。賢哲之臣。事能之士。
皆以公用之。故民不越
鄉而交。無百里之感。既任臣以公。則政平。國理人
無異望。無外心。故不越鄉而
交。所以無賢賤不相踰。愚智提衡而立。愚智各得
其所以感治之至也。今夫輕爵祿。易去亡。以擇其主。臣
不謂廉。易亡擇主。心貪者耳。如
此之臣。不可謂廉也。詐說逆法。倍主強

言官得

言官得

言官得

主上不作

諫臣不謂忠。逆法強諫凌主者耳行惠施利。收下
 為名。臣不謂仁。行惠收下作福者耳離俗隱居而
 以非上。臣不謂義。隱居非上揚主之惡外使諸侯
 內耗其國。伺其危險之陂。以恐其主。曰交非我不
 親。怨非我不解。而主乃信之。以國聽之。卑主之名
 以顯其身。毀國之厚。以利其家。臣不謂智。伺危以
國以利家姦雄者耳如此數物者險世之說也。而
此之臣不可謂智也先王之法所簡也。險世所說邀取一時之利先王
 之法曰。臣毋或作威。毋或作利。從王之指。毋或作

以下言當察法數以御其

陰一作險

惡。從王之路。古者世治之民。奉公法。廢私術。
 一行具以待任。治世之人所具意行不用夫為之
 人主而身察百官。則日不足。力不給。言當用法且
 上用目。則下飾觀。飾觀則日視上用耳。則下飾聲。
飾聲則耳聽上用慮。則下繁辭。繁辭則慮先王以
 三者為不足。故舍已能。而因法數。審賞罰。先王之
 所守要。因法數審賞罰用此察之則百官不故法
 省而不侵。獨制四海之內。聰智不得用其詐。陰躁
 不得闢其佞。姦邪無所依。遠在千里外。不敢易其

專

韓非子

卷二

四

倫奇沙絕

一本遊之字
無對作減

辭勢在郎中不敢蔽善飾非郎近侍之官也朝廷羣下直
湊單微不敢相踰越雖單微直湊亦令得其職分而豪強不敢踰故治
不足而日有餘上之任勢使然也立治之功日尚
已平羣臣既已穆則上之任夫人臣之侵其主也
用之勢不違法教使之然也如地形焉漸削滅之見耕使人主失端
如地形焉漸削滅之見耕漸就削滅也使人主失端
東西易面而不自知既以漸來故雖至於失端故
先王立司南以端朝夕以司南即指南車也故明主
使其羣臣不遊意於法之外不為惠於法之內不
遊意法外為惠法內皆所以防其侵也動無非法法所以凌過遊外

私也或使羣臣動皆以法其嚴刑所以遂令懲下
也所以嚴刑者欲以遂通也威不貸錯制不共門威當
故不貸臣令錯制當主裁故不共臣同門錯置也威制共則眾邪彰矣制
共臣則制邪顯用矣法不信則君行危矣法不信則後不刑
不斷則邪不勝矣故曰巧匠目意中繩然必先以
規矩為度匠之目意雖復中繩而不上智捷舉中
事必以先王之法為比君知雖敏而中事不可用
也改繩直而枉木斲準夷而高科削科等也削高
權衡縣而重益輕減重益輕斗石設而多益少減

韓非子 卷二 六

益少斗故以法治國舉措而已矣舉法而措石乃滿之治自平法不阿賢繩不撓曲法之所加智者弗能辭勇者弗敢爭刑過不避大臣賞善不遺匹夫故矯上之失詰下之邪治亂決繆繆其健美齊其一民之軌莫如法屬官威民屬官欲令退淫殆止詐僞莫如刑刑重則不敢以賚易賤不敢以賚勢則上尊而不侵上尊而不侵則主強而守要故先王賢之而傳之傳之人主釋法用私則上下不別矣

二柄第七

明主之所導制其臣者二柄而已矣導引也言道臣而制斷之也二柄者刑德也何謂刑德曰殺戮之謂刑慶賞之謂德為人臣者畏誅罰而利慶賞故人主自用其刑德則羣臣畏其威而歸其利矣故世之姦臣則不然所惡則能得之其主而罪之女姦臣所詐媚惑其主得所愛則能得之其主而賞之亦以巧詐媚惑其主亦以巧詐媚惑其主主得之恩而賞之今人主非使賞罰之威利出於已也聽其臣而行其賞罰則一國之人皆畏其臣

人主篇云虎豹
所以能勝人執
百獸者以其爪
牙也

而易其君臣用罰則民歸其臣而去其君矣臣用
民歸臣而畏臣而輕君此人主失刑德之患也夫虎之所以能
去其君服狗者爪牙也使虎釋其爪牙而使狗用之則虎
反服狗矣人主者以刑德制臣者也今君人者釋
其刑德而使臣用之則君反制於臣矣反為臣所制也故
田常上請爵祿而行之羣臣請君爵祿而與羣臣
下大斗斛而施於百姓於下而用大斗斛以施百
姓所以樹私恩於衆庶也
此簡公失德而田常用之也故簡公見弒子罕謂
宋君曰夫慶賞賜予者民之所喜也君自行之殺

非字衍

戮刑罰者民之所惡也臣請當之於是宋君失刑
而子罕用之故宋君見劫田常徒用德謂不兼刑也而
簡公弒子罕徒用刑謂不兼德也而宋君劫故今世為
人臣者兼刑德而用之則是世主之危甚於簡公
宋君也故劫殺擁蔽之主非失刑德而使臣用之
而不危亡者則未嘗有也

人主將欲禁姦則審合刑名者言不異事也言名
刑也言事以相考則合不可知也為人臣者陳事而言君以其言
授之事專以其事責其功功當其事事當其言則

賞功不當其事。事不當其言。則罰。故羣臣其言大
而功小者。則罰。非罰小功也。罰功不當名也。羣臣
其言小而功大者。亦罰。非不說於大功也。以為不
當名也。害甚於有大功。故罰。不當名之害甚於大
功。功大震主。亦所以
為昔者韓昭侯醉而寢。典冠者見君之寒也。故加
衣於君之上。覺寢而說。寢寤而問左右曰。誰加衣者。
左右對曰。典冠。君因兼罪典衣與典冠。其罪典衣。
以為失其事也。其罪典冠。以為越其職也。非不惡
寒也。以為侵官之害。甚於寒。故明主之畜臣。臣不

得越官而有功。不得陳言而不當。越官則死。不當
則罪。守業其官。所言者貞也。守業以當官守官以
當言如此者貞也
則羣臣不得朋黨相為矣。

人主有二患。任賢則臣將乘於賢。以劫其君。賢者
必多
才術故能乘
賢以劫君也妄舉則事沮不勝。妄舉謂不擇賢則
其事必沮而不勝
且毀。故人主好賢。則羣臣飾行以要君欲。則是羣
臣之情不效。飾行則偽外故其
內情不效。顯也羣臣之情不效。則
人主無以異其臣矣。莫不飾行故
真偽不分也故越王好勇而
民多輕死。楚靈王好細腰。而國中多餓人。齊桓公

妬外而好內。故豎刁自宮以治內。桓公好味。易牙蒸其首子而進之。燕子噲好賢。故子之明不受國。子之燕之臣也。以噲好賢。故陳禪讓之事。令噲不受國。以讓已。因以篡之。故君見惡則羣臣匿端。匿其端。避君見好。則羣臣誣能。誣其能。所惡也。人主欲見則羣臣之情態得其資矣。羣臣之情態皆欲求利。君見其好惡。則知利其所存。故得以為資。故子之託於賢以奪其君者也。豎刁易牙。因君之欲以侵其君者也。其卒子噲以亂歿。子噲燕王名也。桓公蟲流出尸而不葬。此其故何也。人君以情借臣之患也。謂見好惡之情。則臣得以為利。此以情借臣求

利者也。患所以生。人臣之情。非必能愛其君也。為重利之故也。今人主不掩其情。不匿其端。而使人臣有緣以侵其主。緣其好惡之情。得以侵主。則羣臣為子之田常不難矣。故曰。去好去惡。羣臣見素。君無好惡。則臣無因為偽。其誠素自見。羣臣見素。則大君不蔽矣。

揚權第八。揚謂舉之。使明也。權謂量事設謀也。

天有大命。人有大命。晝夜四時之候。天之命。君臣上下之節。人之大命也。

夫香美味。厚酒肥肉。甘口而疾形。曼理皓齒。說情而捐精。香肥所以甘口也。用之失中。則病。曼所以說情也。耽之過度。則捐精。

所以助理也。用之故去甚去泰。身乃無害。權不欲
失宜則危君也。見素無為也。事在四方。要在中央。中央謂主君。聖
人執要。四方來效。虛而待之。彼自以之。但虛心以
待之。彼則各四海。既藏道陰見陽。四海則四方也。
自用其能也。君之陽陰陽接則君臣通也。左右既立。開門而
當。左右謂左輔右弼也。君臣既通。輔弼之臣斯立。
君但開門而當受之。無所遮擁也。當受也。勿變勿易。與二俱行。賢才畢來矣。
變易但令輔弼行之不已。既行職事有功而可此。二臣俱行職事。行之不已。皆俱臣賢之助。不須有
所除去。無不隨化而成。是謂履理也。故有成功。夫物者有所

句添

宜材者有所施。各處其宜。故上下無為。使雞司夜
令狸執鼠。皆用其能。上乃無事。上有所長。事乃不
方。所長謂任材用物皆得。其宜故事不一。方而成。矜而好能。下之所欺。居
者矜好。其能則下。各飾其能以欺之。辯惠好生。下因其材。辯惠則下
因其材。以入其諛。後材則辯惠也。上下易用。國故不治。上代下任
則國不治。用一之道。以名為首。莫一謂道可以常行。古今
曰以名。為首。名正物定。名倚物徙。故聖人執一以靜。使
名自命。令事自定。既使名命事。不見其采。下故素
正。乘故皆事也。上不見。因而任之。使自事之。因其
事則下事既素。且正。因而任之。使自事之。事而

不見其采是
聖人靜以自
居。居則光彩
臣下以故事
素而趨於王

韓非子

卷之二

二

任之彼則自舉其事。因而予之。彼將自舉之。因其事以與之。正與處之。使皆自定之。上以名舉之。彼則自舉之。從而以名舉之。不知其名。復修其形。形事也。循事則刑名審矣。名可形名參同。用其所生。所生為形名。所從而出。知也。形名參同。用其所生。者形名既以參同。故有此人而二者誠信。下乃貢情。二者謂形名也。參同也。貢謂謹修所事。待命於天。君人者能謹修其事。陳見也。毋失其要。乃為聖人。聖人之道。去智與巧。智巧不去。難以為常。夫智巧在必背道。而行詐。故須去之。民人用之。其身多缺。主上用之。其國危亡。因天之道。反形之理。督

人一本作上

參鞠之。終則有始。既去智巧。上因天之道。下則反其事。既終還。虛以靜後。未嘗用已。常當虛靜。以後從其始也。先凡人之患。必同其端。端謂所陳事之首也。臣之則是偏聽。信而勿同。萬民一從。其陳事者且當信。擇其善者以之。施教。夫道者弘大而無形。德者覆理而普至。至於羣生。斟酌用之。萬物皆盛而不與其寧。道德不與物。道者下周於事。因稽而命。與時生歿。言當因道以考汝報命而汝也。歿生猶廢興也。謂其教命時可廢則廢。時可興則興也。參名異事。通一同情。參考異事之名必。故曰道不

卷三十一

卷三十一

三

同於萬物故能生於萬物德不同於陰陽故能成於陰陽衡不同

於輕重故能知其輕重繩不同於出入故能正於出入和不同於

燥濕故能均於燥濕君不同於羣臣故能制於羣臣凡此六者道

之出也此六者皆自道生道無雙故曰一。是故明

君賢獨道之容道以獨為容君臣不同道下以名禱當

陳其名言以禱於君君操其名臣效其形形名參同上下和

調也

凡聽之道以其所出反以為之入凡聽言之道或有未審必出言

以難之彼必反求其理以入於此也故審名以定位明分以辯類審察

白志奇

其名則事位自定明聽言之道溶若甚醉溶閒漫之貌凡

然若甚醉者則言者自盡而敷奏也脣乎齒乎吾

不為始乎齒乎脣乎愈憺憺乎脣齒可以發言語也吾不為始則彼

自為始吾愈憺憺彼自離之吾因以知之是非輻湊

上不與構離謂分析其所言彼既分析吾遂知之

下情上不與之為構也構結也虛靜無為道之情也參伍比物事

之形也參之以比物伍之以合虛根幹不革則動

泄不失矣參三也伍五也謂所陳之事或三之以比物之情或五之以合虛之數常令根

幹堅植不有移革如此則動之散皆無所失泄也動之溶之無為而改之

凡所舉動溶然開暇雖喜之則多事惡之則生怨

有所改無為而為也謂臣所陳言君若喜之彼必自媚益

為其事若乃惡之彼必生怨而遂止故去喜去惡

虛心以為道舍去喜惡以虛其心則上不與共之

民乃寵之謂下之為事上不與共得則臣得上不

與義之使獨為之上固閉內局從室視庭參咫尺

已具皆之其處以賞者賞以刑者刑閉內局閉心

內以觀外若從室而視庭也八尺曰咫尺寸者所

以度長短既閉心以參驗之咫尺以度量之二者

如此則則可賞則賞可刑則刑無乖謬矣因其所為

各以自成善惡必及孰敢不信成善必及賞惡必

尺當亦

及刑刑賞不信規矩既設三隅乃列賞罰規矩既已

則人知他事皆然主上不神下將有因神者隱而

由者也既不神故可測則其事不當下考其常主

不當則下以常理若天若地是謂累解天地高厚

也君用意如天地則上若地若天孰疎孰親天無

因下考之累可解也能象天地是謂聖人象天地之高

地無私載故能象天地是謂聖人厚而無私也欲

治其內置而勿親內謂君之機密也欲令機事欲

治其外官置一人不使自恣安得移并外謂百官

今官政不失則每官置一人焉夫兩雄必爭官有

二人適足以增其猜競故一人則專而不恣豈有

筆下有神

韓非子

卷二

移易并兼之事大臣之門唯恐多人臣門多人威凡治之
 極下不能得神隱不測故下不能得之治周合刑
 名民乃守職去此更求是謂大惑守職此治之至
 要者也去至要而不用非惑而何也猾民愈眾姦邪滿側故姦眾而
 邪故曰毋富人而貸焉毋賢人而逼焉君之富臣
 滿故曰君之賢臣更令臣逼此倒毋專信一人而失其都
 置之徒不識理道者也國焉聚焉故失其都毋專信一人而失其都
 國焉聚焉故失其都毋專信一人而失其都
 為主失其神虎隨其後能為虎隨後以伺其隙主
 上不知虎將為狗主既不知臣之為虎則臣匿威

主不蚤止狗益無已臣既以虎為狗君不知而止
 益其朋黨無有已時也虎成其羣以弑其母母則君也既朋
 成羣也虎既成羣母必見弑為主而無臣奚國之有臣皆為虎
 也主施其法大虎將怯主施其刑大虎自寧施刑
 虎則懼而履道故得安寧也法刑狗信虎化為人復反其真謂
 君臣君臣欲為其國必伐其聚聚為朋黨交結伐之者
 臣也臣也不伐其聚彼將聚眾欲為其地必適其賜地亦國
 其國必令賜與適宜不適其賜亂人求益彼求我予假仇人
 斧亂人求益而與之則假之不可彼將用之以伐
 是以斧假仇人也

韓非子

卷二

左

我以斧與仇則見假與不可仇黃帝有言曰上下

一日百戰欲之心上位可寶上利可貪居下者常有美

交戰一日下匿其私用試其上上操度量以割其

下下既有羨之心常匿私以試上故故度量之立

主之寶也度量可以割斷下黨與之具臣之寶也

黨與具可以奪君位故為臣寶臣之所不弑其君者黨與不具也

故上失牻寸下得尋常四指為牻上於度量少有

矣有國之君不大其都大其都臣將有道之臣不

賢其家大夫稱家賢其有道之君不賢其臣賢其

家臣將凌已

將賢勢過已賢之富之備將代之臣既賢富備備危恐

殆急置太子禍乃無從起太子者君之副貳國之

速置之則禍端自息矣內索出圍必身自執其度量臣人四

常在圍今在內欲求出圍但身執度量則可矣厚者虧之薄者靡之厚謂

與眾勢位高也位如此必虧之使薄也虧靡有量毋使民比周同欺

其上虧之若月若明之漸虧也亦取其靡之若熱

若鑽火之取熱不得中息簡令謹誅必盡其罰盡刑罰毋弛而

弓一棲兩雄刑法罰不當棲之官也一棲兩雄其

鬪鬪鬪鬪鬪鬪豺狼在牢其羊不繁豺狼喻吏一家

之貪殘者

得於君者也

二賢事乃無功。二賢爭出命服役者不知誰從故事無功也。夫妻持政。

子無適從。夫唱婦隨者禮之正也。今夫妻爭持其政故子不知所從也。為人君

者數披其木。毋使木枝扶疎。木喻臣也。披為落其枝也。數落木枝者喻

數削黜臣之威勢也。木枝扶疎。將塞公間。謂臣威權覆主充塞公間私門

將實公庭。將虛主將壅圍。圍圍也。數披其木。無使木

枝外拒。拒謂枝之旁生者也。木枝外拒。將逼主處。數披其木。

毋使枝大本小。枝大本小。將不勝春風。不勝春風

枝將害心。春風所以發生萬物者也。喻君恩賞所以榮益於下者也。枝本大矣。春風又發

其榮以增其重則披枝而害心。喻臣本實矣。君又加之恩賞以增其威則臣將二而危君矣。公

子既眾。宗室憂險。宗室謂太宗適子家也。庶于既眾勢凌適子故憂險也。止

之道。數披其木。毋使枝茂。木枝數披。黨與乃離

掘其根本。木乃不神。填其洶淵。毋使水清。淵者水之停積

水清鑒之者必眾。喻雖族和附之者必多也。探其懷。奪之威。探其懷謂其所

欲為主上用之。若電若雷。威不下分則君命神而可畏。故若雷電也。

八姦第九

凡人臣之所道成姦者有八術。道引也。言姦臣或誘引君之百姓以成

其姦邪其術有八也。一曰在同牀。何謂同牀。曰賢

夫人愛孺子。便僻好色。便僻得嬖美好之色。此人主之所惑

也託於燕處之虞。乘醉飽之時。而求其所欲。此必聽之術也。乘因也。夫人孺子等由因君醉飽之時。進以燕娛之具。以求其所欲。事無不聽。爲人臣者。內事之以金玉。使惑其主。此之謂同牀。以金玉之寶。內事貴夫人。愛孺子。二曰在旁。何謂等使之惑。主主惑則姦謀可成也。在旁。曰優笑侏儒。左右近習。優笑者。謂俳優能調笑者。侏儒。短人也。此人主未命而唯唯。未使而諾諾。先意承旨。觀貌察色。以先主心者也。此皆俱進俱退。皆應皆對。謂所欲進則左右近習俱共進之。所欲退則皆共退之。命之則皆應。問之則皆對。辭同軌。以移主心者也。爲人臣者。內事之以金玉玩好。外

爲之行不法。使之化其主。此之謂在旁。姦臣既以近習之臣。外又爲行非法。漸化其主。主既習非。則其位可得而奪也。三曰父兄。何謂父兄。曰側室公子。人主之所親愛也。大臣廷吏。人主之所與度計也。此皆盡力畢議。人主之所必聽也。爲人臣者。事公子側室。以音聲子女。收大臣廷吏。以辭言處約。言事事成。則進爵益祿。以勸其心。使犯其主。此之謂父兄。收謂收攝其心也。謂臣欲收大臣之心。辭言爲作聲。譽又更處置。邀共言事於君。其事既成。大臣必益爵祿。用此以勸其心。使之犯忤其主。主犯則君臣有隙。姦臣可以施謀也。四曰養殃。何謂養殃。曰人主樂美宮

室臺池好飾子女狗馬以娛其心。此人主之殃也。爲人臣者。盡民力以美宮室臺池。重賦歛以飾子女狗馬。以娛其主而亂其心。從其所欲而樹私利。其間此謂養殃。五曰民萌。何謂民萌。曰爲人臣者。散公財以說民人。行小惠以取百姓。使朝廷市井。皆勸譽已以塞其主。臣行其惠則主澤不而成其所欲。此之謂民萌。六曰流行。何謂流行。曰人主者。固塞其言談。希於聽論議。易移以辯說。君門隔於九重。賢俊希得與攝故言爲人臣者。求諸侯之辯士。養國中

談論議希也

希得與攝故言

之能說者。使之以語其私。爲巧文之言。流行之辭。謂其言巧便聽者示之以利勢。懼之以患害。施屬似若流通而可行虛辭以壞其主。設施綴屬此之謂流行。七曰威強。何謂威強。曰君人者。以羣臣百姓爲威強者也。羣臣百姓之所善。則君善之。非羣臣百姓之所善。則君不善之。爲人臣者。聚帶劍之客。養必死之士。以彰其威明。爲已者必利。不爲已者必死。以恐其羣臣百姓而行其私。此之謂威強。八曰四方。何謂四方。曰君人者。國小則事大國。兵弱則畏強兵。大國

五

六

七

八

薄者謂次於
甚者也

之所索。小國必聽。強兵之所加。弱兵必服。為人臣者。重賦歛。盡府庫。虛其國。以事大國。而用其威。求誘其君。甚者舉兵以聚邊境。而制歛於內。薄者數內。大使以震其君。使之恐懼。此之謂四方。凡此入者。人臣之所以道成姦。世主所以壅劫。失其所有也。不可不察焉。明君之於內也。娛其色而不行其謁。不使私請。所以防初姦之同林也其於左右也。使其身必責其言。不使益辭。所以防二姦之在旁也其於父兄大臣也。聽其言也。必使以罰任於後。當則任之不當則罰之不令妄

舉。防三姦之父兄其於觀樂玩好也。必令之有所出。謂知其所從。不使擅進。不使擅退。羣臣虞其意。防四姦之春必不令度君意。擅有所進退也。其於德施也。縱禁財。發墳倉。積粟於倉若墳。利於民者。必出於君。不使人臣私其德。防五姦之民萌其於說議也。稱譽者所善。毀疵者所惡。必實也。其能察其過。考實其能。察詳其過。不使羣臣相為語。防六姦之流行其於勇力之士也。軍旅之功。無踰賞。邑鬪之勇。無赦罪。邑鬪勇者謂恃力與邑人私鬪。不使羣臣行私財。防七姦之使行私財。其於諸侯之求索也。法則聽之。不法則於勇士。

距之防入姦之四方

所謂亡君者非莫有其國也而有之者皆非已有

也亡君雖有國非已有之令臣執制而有之令臣以外為制於內則是

君人者亡也臣自外制內而君不擅聽大國為救

亡也而亡亟於不聽聽大國則誅求無厭每事皆

有辭而見伐故聽從故不聽羣臣羣臣知不聽則

不外諸侯臣之外交以君之聽已欲有所構諸侯

之不聽則不受臣之誣其君矣諸侯知我不聽用

浮言以用誣其君也

明主之為官職爵祿也所以進賢材勸有功也故

曰賢材者處厚祿任大官功大者有尊爵受重賞

官賢者量其能賦祿者稱其功是以賢者不誣能

以事其主有功者樂進其業故事成功立今則不

然不課賢不肖論有功勞用諸侯之重諸侯以勢


有所委屬而君用之聽左右之謁父兄大臣上請爵祿於上

而下賣之以收財利及以樹私黨故財利多者買


官以為賢有左右之交者請謁以成重功勞之臣

不論官職之遷失謬是以吏偷官而外交弃事而

財親是以賢者懈息而不勸。有功者墮而簡其業。
此亡國之風也。墮毀也。或本為墮。



終



天保壬辰

